

## Headlines

- केन्द्रीय गृह राज्य मंत्री नित्यानंद राय होरें आखेआ जे सरकार जम्मू कश्मीर दी संस्कृति गी विकसित करने लेई वचनबद्ध ऐ। अनंतनाग च 34 बरें मगरा उमा भगवती मंदर परतियै खोलेआ गेआ।
- जम्मू डोडा ते रियासी जिले च सुरक्षाबलें आस्सेआ तपाशी अभियान चलाए गे।
- पार्लिमानी ते अल्पसंख्यक मामले दे केन्द्री मंत्री किरन रिजिजू होरें कारगिल युद्ध स्मारक जाइयै आपरेशन विजय दे सैनिकें गी श्रद्धांजलि भेंट कीती।
- मुख्य च थोक मुद्रा स्फीति च लगातार चौथे म्हीने बाद्धा दिखेआ गेआ। मैहगाई जून म्हीने 3.3–6 फीसद रेई।



## Temple Kashmir

दक्खणी कश्मीर दे अनंतनाग जिले दे प्राचीन मंदर "उमा भगवती" दे दरवाजे 34 बरें मगरा कल भक्तें आस्तै खोली दित्ते गए। केन्द्री गृह राज्मंत्री नित्यानंद राय होरें मंदर दे दरवाजे गी आपूं श्रद्धालुएं लेई खोलेआ। इस मौके पर जम्मू-कश्मीर दे बक्ख-बक्ख हिस्सें सोयां आए दे ज्हारां बदे श्रद्धालु, खास करी कश्मीरी पंडित देवी उमा भगवती हुंदी पूजा करने लेई मौजूद हे। परतिए होए दे उदघाटन समारोह दौरान राजस्थान सोयां आह्नी गेदी देवी उमा हुंदी मूर्ति गी गर्भगृह च रक्खेआ गेआ। केन्द्री मंत्री होरें श्रद्धालुएं गी संबोधित करदे होई भरोसा जताया जे खरी मती गिनतरी च श्रद्धालु मंदर औडन। उनें आखेआ जे विकसित जम्मू-कश्मीर ते एहदी अपनी समन्वित संस्कृति प्रति सरकार दी प्रतिबद्धता जम्मू-कश्मीर गी इक समृद्ध ते शांतिपूर्ण क्षेत्र दे रूपै च विकसित करने च बड़ी मदद करोग। एह मंदर ब्रम्हकुंड, विष्णुकुंड, रूद्रकुंड ते शिव शक्तिकुंड सनें 5एं झरने दे बश्कार स्थित ऐ। इस मौके उप्पर कंवरी मंत्री हुंदे कन्नै अनंतनाग दे डिप्टी कमीशनर सयैद फक्रूदीन हामिद, सीनियर सुप्रीटेंडेंट ऑफ पुलस जी.वी.संदीप चक्रवती जिला प्रशासन दे अफसर बी शामिल हे।



## CASO Jammu

सुरक्षाबलें जम्मू डोडा ते रियासी जिले च तपाशी अभियान चलाया। एह तपाशी आली कारवाई। संदिग्ध नकलो हरकत दे दिक्खे जाने दे मगरा चलाई गई। अधिकारिक सूत्रें मूजब पुलस ते सीआरपीएफ आस्सेआ जम्मू दे अखनूर सेक्टर दे लोअर घरोटा, थाथी ते आले दुआले दे इलाके च तपाशी अभियान चलाया गेआ। एह अभियान इलाके च त्रै संदिग्धें गी दिक्खे जाने मगरा चलाया गेआ। उआं तपाशी दरान किश बी नेई लब्धा। डोडा जिले दे

कोटी दे जंगली इलाकें च बी पुलस ते सेना आस्सेआ बडलै साढे 9 बजे तपाशी अभियान चलाया गेआ। उत्थें बी आतंकवादिएं दी मजूदगी बारे सूह थहोई ही। एह तपाशी अभियान अजें जारी ऐ पर आतंकवादिएं दा अजें तगर कोई पता नेई लग्गा ऐ। सुरक्षा बलें आस्सेआ रियासी जिले दे रूंबल नाला, पौनी, कुंडरा डेरा, बब्बर ते कांजली थाहर बी तपाशी अभियान चलाया गेआ। जम्मू खित्ते च हाल दे दिने च आतंकवादी गतिविधिएं च खासा बा0A होआ। खास करी पुंछ, राजौरी, डोडा ते रियासी जिले च।

<><><><><><>

### Mortar Shell-Udhampur

उधमपुर जिले थमां इक पराना मारटार शैल बरामद होआ ऐ। अधिकारिएं मूजब एह शैल मिया बाग इलाके थमां पुलस नै बरामद कीतां इस बारे किश मकामी लोकें जानकारी दित्ती ही। सूचना थहोने मगरा पुलस पार्टी जेहदी अगुवाई इंसपैक्टर रघुबीर सिंह होरें कीती। इस दरान बम्ब नकारा करने आला दस्ता बी उंदे कन्नै हा। इसी सुरक्षत थाहर पर लेई जाइयै नकारा करी दित्ता गेआ।

<><><><><><>

### Rijju Tribute

पार्लिमानी ते अल्पसंख्यक मामलें दे मंत्री किरन रिजिजू होरें कल द्रास दे कारगिल युद्ध स्मारक थाहर आपरेशन विजय दे बहादुर सैनिकें गी श्रद्धांजलि भेंट कीती। इस दरान उनें 1999 च कारगिल युद्ध दरान भारतीय सैनिकें आस्सेआ दित्ते गेदे बलिदान गी चेता कीता। अपने दौरे दरान रिजिजू होरें सेना कर्मिएं कन्नै गल्लबात कीती ते उंदे समर्पण ते सेवा आस्तै आभार जाहर कीता। इनें बहादुर नायकें दी महत्ता ते उंदे बलिदान बारे बोलदे होई रिजिजू होरें आखेआ जे इनेंलोकें अपना सर्वोच्चय बलिदान दित्ता तां जे मुख्य च शांति ते रमानदारी बनी दी रवै। इस करी हर भारतीय गी लोडचदा ऐ जे ओह अपने जीवनकाल च इक बारी भारत दे नायकें गी सम्मान देने आस्तै इत्थें आवै।

<><><><><><>

### Div.Com Poonch(byte)

अज्ज जम्मू दे डिवीजनल कमीशनर रमेश कुमार ते जम्मू दे एडीजीपी आनंद जैन होरें पुंछ दा दौरा लाया, जित्थें उनें सारे कोला पैहले मंडी तैहसील च स्थित प्राचीन शिव धाम श्री बाबा बुड्डा अमरनाथ मंदर च मत्था टेकेआ। साढे जिला संवाददाता अनुभव मिसरी हुंदे कन्नै गल्लबात करदे होई जम्मू दे डिवीजनल कमीशनर रमेश कुमार ते एडीजीपी आनंद जैन होरें आखेआ।

<><><><><><>

## RBVP-Udhampur(byte)

विश्व युवा कौशल दिवस दे मौके उप्पर दऊं दिनें दे राश्ट्री बाल वैज्ञानिक प्रदर्शनी दा आयोजन पीएम श्री स्कूल जवाहर नवोदय विद्यालय उधमपुर च कीता गेआ। जम्मू संभाग दे 10 नवोदय विद्यालय स्कूलें बी इस आयोजन च हिस्सा लेआ। 50एं बच्चें अपने बनाए दे विज्ञानिक मॉडलें राएं जिला संवाददाता अचिन दुबे हुंदे कन्नै गल्लबात करदे होई सीएसआईआरआईआईआईएम दे डरैक्टर डॉ. जबीर अहमद होरें आखेआ  
इस मौके उप्पर स्कूल दे प्रिंसिपल अजीत प्रताप सिंह होरें आखेआ  
इस प्रदर्शनी च आए दे बच्चें बी अपने बचार सांझे कीते।

<><><><><><>

## Kishtwar Haat

जिला प्रशासन नै किश्तवाड़ गी “प्रिमियर ट्यूरिसम सेंटर” बनाने लेई “किश्तवाड़ हॉट” दा आगाज कीता। साढ़े जिला संवाददाता कैलाश नाथ हुंदे मताबक किश्तवाड़ गी होर अगड़ा बधाने दी यात्रा उत्थुआं दे डिप्टी कमीशनर डॉ. देवांश यादव हुंदे गतिशील नेतृत्व दी वजह कन्नै होई ऐ।

<><><><><><>

## WPI-Inflation

मुख्य च थोक मुद्रा स्फीति च लगातार चौथे म्हीने बाद्धा दिक्खेआ गेआ। खाने पीने आली चीजें खास करी सब्जिएं ते निर्मित चीजें दी कीमतें च बाद्धे करी जून च थोक मुद्रा स्फीति 3.3–6 फीसद रेई। थोक मूल्य सूयकांक आधारित मुद्रा स्फीति मई च 2.6–1 फीसद रेई। पिछले बरे जून च एह मनफी 4.1–8 फीसद ही। आंकड़े मूजब खाने पीने आली चीजें दी मुद्रा स्फीति मई च 9.8–2 फीसद दी तुलना च जून च 10.8–7 फीसद होई गई। जून दरान सब्जिएं दी मुद्रा स्फीति 38.7–6 फीसद पर पुज्जी गई जेहड़ी मई च 32.4–2 फीसद ही। जून गी गंडे दी मुद्रा स्फीति 93.3–5 फीसद, आलू दी 66.3–7 फीसद रेई। ईघन ते बिजली दी श्रेणी च मुद्रा स्फीति 1.0–3 फीसद रेई जेहड़ी मई च 1.3–5 फीसद थमां किश गै घट्ट ऐ।

<><><><><><>

## Misri Foreign Secretary

विक्रम मिश्री होरें अज्ज विदेश सचिव दा औहदा संभालेआ। इंदे कोला पैहले श्रीविनय क्वात्रा होर इस औहदे उप्पर अपनी सेवा देआरदे हे, जिंदा कार्यकाल कल समाप्त होइ गेआ। श्री मिश्री होर 1989 बैच दे आईएफएस अफसर न ते ओह नैशनल सिक्यूरिटी काउंसल सैक्रेटेरियट च डिप्टी नेशनल सिक्यूरिटी एडवाइसर दे तौरा पर अपनी सेवा देआरदे हे। इनें चीन, म्यांमार ते स्पेन च भारती दूत दे तौरा पर कम्म कीते दा ऐ। श्री मिश्री होरें गी



## IMD

भारतीय मौसम विभाग नै उत्तराखंड, पूर्वी उत्तर प्रदेश ते पूर्वी राजस्थान च अज्ज कुतै-कुतै भारी बरखें दी पेशगोई कीती ऐ। उत्तराखंडख उत्तर प्रदेश ते राजस्थान च अंध-झक्खड़ ते शमानी बिजली चमकने दी बी पेशगोई कीती गई ऐ। मौसम विभाग नै अज्ज हरियाणा, उत्तर प्रदेश ते दिल्ली दे किश इलाकें च हल्की थमां मझाटले दर्जे दी बरखा ते कन्नै अंधी-झक्खड़ ते शमानी बिजली दी बी पेशगोई कीती। अज्ज दक्खनी गुजरात दे किश हिस्सें खास करियै सूरत, बारूच ते नर्मदा जिले च मौलेधार बरखा होई। सूरत दे उमर-पदा च पिछले दऊं घैंटे बड़ी मती बरखा होई। आकाशवाणी समाचार कन्नै गल्ल करदे होई भारतीय मौसम विभाग दे वरिष्ठ सांईसदान होरें आखेआ जे कांकण, गोवा, महाराष्ट्र, गुजरात, कर्नाटक ते केरल दी किश थाहरें पर मती थमां भारी बरखा अगले 4-5 दिनें च होई सकदी ऐ।

<><><><><><>

